

Kalaallit Nunaanni inuinnarnut MitID pillugu nalunaarut

MitID aamma NemLog- in pillugit inatsimmut atatillugu peqqussut nr. 2090-imi 23. november 2021-imeersumi § 4, imm. 2 aamma § 5, imm. 1 naapertorlugit makku aaliangiunneqarput:

Inuinnarnut MitID-mik aqutsinissaq

§ 1. Ilisimatitsissummi inuinnaat MitID-mik qanoq atuinissaanni malittarisassat aaliangersarneqarput, ilanngullugit inuit ataasiakkaat kikkuunerinik isumannaallisaanermut, kinaassutaannik nalunaarsuinernut, tunniussinernut, mattussinernut, ammaaqqinnerit aammalu MitID-rineqartunik matusinernut, atatillugu suliaassat.

Stk. 2. Kommunalbestyrelsen, aningaaseriviit allallu oqartussaaneermik inatsisilerinermillu tigungminnittut Digitaliseringsstyrelsemiit nalunaarsuiffissatut pisussaaffilerneqarsinnaapput aaliangiiffigalugillu tunniussineq, mattussinerit, ammaaqqinnerit aammalu inuinnaat MitID-risaannik matusisinnaanermut ilisimatitsissummi matumani maleruaqquneqartut malillugit ingerlassinnaagaat.

Stk. 3. Pisortat oqartussaaffeqarfii, pisortallu oqartussaaffigisaat allat imal. inatsisiliornermik ingerlatsiviit Digitaliseringsstyrelsenimiit piginnaassusilerneqarsinnaapput ikorfartuisutut suliaqarsinnaasunnortillugit taamallu aaliangiiffigisinnaalerlugit mattussinerit, ammaaqqinnerit aammalu inuit ataasiakkaat MitID-nik matusinerit aammalu inuinnarnik MitID pillugu ilitsersuisinnaanerit.

Stk. 4. Nalunaarsuinermik ingerlatsiviit, tak. imm. 2 inuinnarnit saaffigineqarnerit pitillugit piumasarisat tunngavigineqartullu pillugit MitID pillugu ilitsersuinermik neqerooruteqassapput, tak, § 8. Ilitsersuinerimi siunertaavoq inuinnaat MitID-mut atatillugu sinaakkutaasunik ilisimasaqarnerulernissaat. Ilitsersuinerit annertussusaanni tunngavigineqassaaq Aqutsinermut inatsimmi § 7.

Inuinnarnut MitID

§ 2. Inuk 13-inik ukioqalereersimasooq, MitID-taarnissamut qinnuteqarsinnaavoq kommunimi nalunaarsuivimmud ornigulluni saaffiginninnikkut imal. aningaaseriviliarnikkut, pineqartoq MitID-mik ornigulluni saaffiginninnikkut tunniussinissamik neqerooruteqartuutillugu, tak. § 3, imal. digitaliusumik immineq sullissivimmik peqartillugu, tak. § 5. Taaneqartut saniatigut immikkut kinaassutsimik isumannaarinninnissamut atatillugu maleruaqassaqarpoq, tak. § 6.

Imm. 2. Inuinnaap MitID-taarniarluni saaffiginninnerani kinaassusia uppersaatait atorlugit isumanaariffigineqassaaq § 3 imal. § 5-imi periusissatut innersuutigineqartut malillugit.

Imm. 3. MitID tunniunneqarsinnaavoq kinaassutsimik isumannaarinnissutit appasissut, annertujaat imal. qaffasissut atorlugit, Standard for identiteters Sikringsniveauer (NSIS). Sullississummik neqerooruteqartut navialissutaasinnaasunik nalilersuissapput tamakkulu tunngavigalugit isumannaarinneriaatsit sorliit atornerqarnissaat aaliangiunneqassalluni tamakkulu tunngavigalugit aaliangerlugu immineq sullississutissatut neqeroorummini qanoq piumasaaqaasiinissaq.

Imm. 4. Qaffasissumik isumannaarissusersugaasumik MitID-mik tunniussineq pissaaq, tamanna Digitaliseringsstyrelsemit atuinissaq periarfissiissutaappat, tamannalu takuneqarsinnaavoq aqutugalugu www.digst.dk/MitIDlegitimation.

Immineq ornigulluni inuit MitID-mik pissarsitissinnaanissaannut atatillugu kinnaassusiannik isumannaarinninnissaq

§ 3. Nalunaarsuinerмик suliaqarfik inuup MitID-mik piniarluni ornigunnerani kinaassusia uppersaasatit piusut atorlugit isumannaarinnissaq, tamakkulu takuneqarsinnaapput aqqutigalugu www.digst.dk/MitIDlegitimation.

Imm. 2. Inuinnaap ornigulluni saaffiginninnerani uppersaasiissutinik takutitsinissamik piumasarisat sukannernerujartortinneqassapput, isumannaarinninnissamut piumasarisat qaffakkiartortillugit, tak. NSIS.

Imm. 3. Nalunaarsuiffik toqqarluinnartumik kinaassutsimik qularnaarinninniassaaq inuup uppersaasiissutinik takutitaasa, tak. immi 1, inuullu isikkuata imminnut sanilliunnerisigut. Nalunaarsuiffillu misissuisussaataasutut apeqquteqarsinnaatitaavoq inuttut normut tunngavigalugit, taamaaliorsinnaanngikkunilu aamma avataanit uppersaasiinerit aqqutigalugit kinaassusersiniarsinnaalluni. Uppersaasiisitsinermut piumasat takuneqarsinnaapput iserfigalugu www.digst.dk/MitIDlegitimation.

Imm. 4. Nalunaarsuiffiup nalunaarsussavai, inuup kinaassutsimik suut uppersaasatit atorsimagai, tak. imm. 1. Nalunaarsuiffiusullu aamma kinaassusiiniarnermi attavigineqarsinnaasutut nalunaarutigineqartut nalunaarsussavai il.il., ilanngullugit pineqartup qanoq immi uppersaaniarnermini atorsimasai. Nalunaarsuiffiup aamma allattussavai, inuup pineqartup suut kinaassutsiminik uppersaanermini atorsimagai.

Nalunaarsuiffiup orniguttumut MitID-mik tunniussinissamut aaliangiisinnaanera

§ 4. Nalunaarsuiffik inuup ornigulluni saaffiginnittup kinaassusia uppersaasiguniuk, tak. § 3, imm. 1 aamma 2, tassungarluinnaq tunngasumik digitalimik MitID-mut aqqissuummut atatillugu kinaassusiliissaaq isumannaarlugulu, pineqartup akuerineqarluni aqutsiviusumut isersinnaalernissaa. Tassani inuup pineqartup MitID-app atorsinnaassavaa imal. immi isissutissatut pilersinneqarnikoq atorsinnaassallugu tigussaasumik ilisarititsissummut ilanngullugu; MitID-mut ilisarnaammik timitarsissummik, MitID-mut ilisarnaammik atuaasinnaasoq imal. MitID-chip aqqutigalugit. Kinaassutsimik takussutissiissutit inuup angerlarsimaffimmit nalunaarutiginiikuusaanut nassinneqassapput imal. nammineq ornigulluni nalunaarsuiffimmukarnikkut, ornigussinnaanermik neqerooruteqartumut.

Imm. 2. Inuk kinaassutsimik ilisarnaatissanik akeqanngitsumik assigiinngitsunik pingasut tikillugit piniarsinnaavoq, kisiannili tamanna atuutinngilaq MitID-chipimut atatillugu, taannami akiliinikkut aatsaat pineqarsinnaammat. Taaneqartumullu akigititaasut takuneqarsinnaapput iserfigalugu www.digst.dk/MitIDlegitimation.

Imm. 3. Nalunaarsuiffiusup MitID-mik tunniussinissaq unitsillugu itigartitsissutigisinnaavaa, inuk saaffiginnissuteqartoq naammattumik kinaanermik uppersaasiisinnaanngippat, uppersaasatiginiakkatut takutinneqartut tutsuiginassusii atuunnerinilu apeqquserneqarsinnaatillugit imal. saaffiginnittoq immi paasissutissanik nalunaarsueqqusinnngippat, pineqartut tassaappata kinaassutsimik uppersaasiissutit atorneqartussat il.il, tak. § 3, imm. 4.

Imm. 4. Nalunaarsuiffiusup inummut MitID-mik pisinnaaneq itigartitsissutigisavaa nalileruniuk pineqartoq MitID-qarnissamik peqarnissamut atatillugu piumasarineqartunik paasinnilluniluunniit naammassininninnaanngitsoq, tak. § 8.

Digitaliusumik immineq sullississusiat atorlugit MitID-mik tunniussinermi kinaassutsimik isumannaarinninnissaq

§ 5. Inuk digitaliusumik MitID-taartinneqarnermi kinaassutsiminik uppersaasiinnaavoq MitID-app-imi kinaassutsimik isumannaarinninnissamut atugassiaq atorlugu. Kinaassutsimik isumannaarinninnerup naammassinerani, inuup pineqartup qinersinnaavaa isissutissamik allatut isumannaarinninnermut ilassutitut atuinissaq, taakku taaneqartarput MitID-kodeviser, MitID-kodeoplæser imal. MitID-chip. Taaneqartut inuinnarnit piniarneqarsinnaapput pineqartullu najukkaminut nalunaarutigisaanut nassiunneqassallutik imal. taassuma nalunaarsuivimmut ornigulluni aallerneratigut pineqarsinnaallutik.

Imm. 2. Inuup kinaassutsimut uppersaatinik tigussaasunik pingasut tikillugit akeqanngitsumik piniarsinnaavoq. Tamannali atuutinngilaq MitID-chipimut atatillugu, taannami akiliinikkut aatsaat pineqarsinnaammat. Taaneqartumullu akigititaasut takuneqarsinnaapput iserfigalugu www.digst.dk/MitIDlegitimation.

Imm. 3. Inuup imminut sullississut atorlugu MitID-taarumalluni saaffigissuteqarnerani piumasarisavaoq, taassuma digitaliusumik uppersaasiinissamut atortussiat qaqugukkulluunniit akuerisaasut atussagai, taakkulu takuneqarsinnaapput iserfigalugu www.digst.dk/MitIDlegitimation.

Imm. 4. Immineq sullississut atorlugit inuup saaffiginninnerani kinaassutsimik uppersaasiinissamut tunngasut annertusiartussapput, isumannaarinninnissap annertussusiata annertusiartornera ilutigalugu, tak. NSIS. Immineq digitaliusumik sullississut atornerini kinaassutsimik isumannaarinninnissap, tak. imm. 1, tutsuiginaassuseq eqqarsaatigalugulu tunngavimmigut assigivaa ornigulluni saaffiginninneq, taamatullu iliornikkut Digitaliseringsstyrelsen isumannaartarpaa suleriutsip eIDAS-imi peqqussutaasup artikel 24, imm. 1 litra d-mi allassimasut naapertorlugit ingerlanissaa.

Imm. 5. Sunaluunniit peqqutigalugu MitID-mik tunniussinissamut atatillugu kinaassutsimik isumannaarinninniarnaq digitaliusumik imminut sullissinnaaneq ajornarpat, taava taarsiullugu tunngavigineqarluni malinneqassaaq kinaassutimik isumannaarinneriaaseq, tak. 3, najoqqutassiaasoq.

Imm. 6. Inuk digitaliusumik imminut sullinnermi kinaassutsimik isumannaarinninniarnaq, tak. imm. 1, taava kukkunersuiisoqassaaq, tassani misissorneqarluni uppersaatiiniakkatut atorneqartut inuullu isikkuata paatsuugassaanngitsumik imminnut naapertuunnerat, tamannalu ingerlanneqassaaq digitaliusumik uppersaasiissutitut takutinneqartut pisortat pigisaat aqutigalugit.

MitID-mut nuunnermut atatillugu inuunnaat kinaassusaannik isumannaarinninneq

§ 6. MitID-mut nuunneq online-iusumik nalunaarsuinnikkut aningaaserivimmi nalunaarsuiffissatut toqqagaasumi pisarpoq imal. pisarluni digitaliusumik nalunaarsugaasut iserfiginerisigut, tamanna Digitaliseringsstyrelsen aqutissatut atorneqarsinnaasutut akuerineqarluni ammaanarpat.

Imm. 2. Digitaliseringsstyrelsen ingerlaavartumik inuit MitID-mut nuutsinneqartussat toqqartortarpai, tak. imm. 1.1., tak. imm. 1. taamatullu iliorsinnaaneq aatsaat pisinnaavoq nalunaarsuiffiusoq MitID-nik inunnut ataasiakkaanut siullertullu atuisussanut tunniussinannaanermut toqqagaasuutillugu, tak. imm. 1.

Imm. 3. Nuussinnaanermut atatillugu piumasagaataavoq, tak. imm. 1, inuup NemID-mut atatillugu OCES-imik atuuttumik kinaassutsimigut isumannaagaanisaa, tak. NemID-nik digitaliusumik atsiuffigineqarsinnaasunik tunniussillunilu matusisinnaanerit pillugit ilisimatitsissut 21. juni 2018-imeersumi nr. 899-imi § 2, imm. 3.

Imm. 4. Inullu NemID-minut piumasarineqartutut OCES-imik uppersaasigaanngitsaq, MitID-mik tunineqarsinnaavoq, tak. § 3 imal. § 5.

Inuunnaap MitID-qarsinnaaneranut piumasarisaaq

§ 7. Inuk MitID-mik peqarsinnaassaguni imm. 2-4-mi piumasarisaasut paasissavai ilanngullugillu MitID-qarnermi piumasarisaasut atuuttut malissallugit, MitID-mik tunineqarnermini malissallugit akuerinikuusani

Imm. 2. Inuup MitID-ni isumannaatsumik paaralugulu atussavaa aammalu iliuusissat pisariaqartut digitaliusumik atuinerlunneqarsinnaaneranut isumannaarutaasut. Tassani inuup peqartup kinaassutsimut uppersaassutaasut illersussavai, isissutissat, ilisarnaasiussat, bruger-id-nut MitID-nullu App pinkodeliussat, taamatut pitsaaliussallugu atornerluisinnaaneq akuerisaanngitsumillu atuisoqarsinnaaneq.

Imm. 3. Inuup isissutissani aammalu MitID-mut pinkodet allanut tunniutissanngilai, taakkumi inuup immineq kisimi atorsinnaassallugillu ilisimasassarimmagit.

Imm. 4. Inuup MitID-qarnermut piumasarisaasut ilisarineqarsinnaanermullu atortussiat malinneqanngippata MitID-ni matussavaa, tak. imm. 2.

MitID-mi ilaasinnaajunnaarsitsigallarneq, ammaaqinneq matusinerlu

§ 8. Ilaasinnaajunnaarsinneqarallarnermi MitID-mut ilisarnaatit assigisaallu ilaasinnaajunnaarsitaagallernerup iluani atorneqarsinnaajunnaarsitaasarpur. Peqataaqqilerneq immineq aallarteqqittarpoq ilaasinnaajunnaarallartitaanerup piffissaligaanera naagaangat, tassani tamatuma qanoq aallaaveqarnera apeqqutaalluni.

Imm. 2. Matusineq isumaqarpoq, MitID-mut digitaliusumik ilisarnaatit assigisaasalu atorneqarsinnaajunnaarsitaanerannik. Tassani pineqartoq MitID-mik atueqqissinnaalersinneqassappat, taava nutaamik akuerineqaaqartussaassaaq, tak. suleriesissaq pillugu § 3 imal. § 5.

Imm. 3. Inuk qaqugukkulluunniit ilaasinnaajunnaartitsinissamik saaffiginnissuteqarsinnaatitaavoq, ammaanneqaaqqikkumasinnaalluni imal. MitID-imik matuseqqusinnaalluni.

Imm. 4. Digitaliseringsstyrelsi, nalunaarsuisinnaatitaasoq imal. allatut ikorfartuisut ingerlatsiviusoq MitID-mik atuisinnaajunnaartinneqassaaq pasitsaanneqarpat taanna MitID-qarnermi piumasarisaasunik malittarinninngitsoq, tak. § 8, aamma inuk ilaasinnaajunnaarallartinneqarnissamik saaffiginnissuteqarpat tak. imm. 3 imaluunniit paasineqarpat, inuup MitID-anik anngiortumik unioqutitsisumillu atuisoqarsimasoq.

Imm. 5. Nalunaarsuisitsiviusoq imal. allatut ikorfartuilluni ingerlatsiviusoq inuup MitID-anik erngerluinnartumik matusissaaq pasitsaanneqarpat, inuk pineqartoq eqqunngitsunik paasissutissiisimasoq imal. salloqittaatinik atuilluni kinaassutsiminik nalunaarutiginnilluni MitID-mik pissarsisimasoq imaluunniit immineq ilaasinnaajunnaarallartinneqarnissamik saaffiginnissuteqarsimasoq.

Inuk toqusimappat imaluunniit pineqartoq tammarsimappat, taava aaqiiniarnerup ingerlanerani taassuma MitID-a matuneqarallassaaq.

Imm. 6. Nalunaarsuisinnaatitaasoq imal. allatut ikorfartuisutut inissisimatitaasumut atatillugu peqartoq pillugu oqartussaasutut nakkutilliisumit saaffiginnissutigineqarpat imal. pineqartoq nakkutigisaasuuppat, taava taassuma MitID- a matuneqassaaq, Nakkutiginnittutulli nalunaartup ilumut nakkutiginnittusnaanini paatsuugassaanngitsumik uppersaassaassavaa.

Imm. 7. Nalunaarsuitinneqartoq allatulluunniit ikorfartuisitaasutut inissisimasoq, MitID-imik atuisinnaajunnaarallartitsisimasoq, inuk peqartuusoq qarsullugu, taava pineqartoq tassannga paasissutissiiffigineqassaaq suna tunngavigalugu atuisinnaajunnaartitaalluniluunniit taaneqartutut iliorfigineqarsimanersoq, taamatut paasissutissiineq ilisimatitsissutitut inummut pineqartumut nassinneqarsinnaappat.

§ 9. Una ilisimatitsissut malillugu aaliangiinerit Digitaliseringsstyrelsimut maalaarutigineqarsinnaapput.

Imm. 2. Digitaliseringsstyrelsimut maalaarummut attuumassuteqarsinnaasut suulluunniit pillugit nalunaarsuiffiusumit allatulluunniit ikorfartuisutut inissisimasumit taakku piumallugit peqqusisoqarsinnaavoq.

Atuutilerfia

§ 10. Ilisimatitsissut atuutilissaaq ulloq 1. Juli 2022 aallarnerfigalugu.

Finansministeriaqarfik, ulloq 10.juni 2022

Nicolai Wammen

/Tanja Franck